

Bosna i Hercegovina
Federacija Bosne i Hercegovine
Parlament Federacije Bosne i Hercegovine
Dom naroda
Delegat Orlović Amir.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 20-01-2026			
Org. jed.	Broj	Priloga	Vrijedi do:
02	-02-	2381	/25

Parlament Federacije Bosne i Hercegovine
Dom naroda
N/r. Predsjedavajućeg

Na osnovu člana 177. Poslovnika o radu Doma naroda Parlamenta Federacije Bosne i Hercegovine ((Sl. novine F BiH br: 27/03., 21/09., 24/20. i 60/24.) podnosim Amandmane na Prijedlog zakona o izmjenama zakona prijevremenom povoljnijem penzionisanju branilaca odbrambeno-oslobodilačkog rata-skraćeni postupak.

S poštovanjem,

Podnosilac:


Orlović Amir

AMANDMAN 1.

U članu 7. stav (1) Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj: 41/13., 90/17. i 29/22.) stav (2) se mijenja i glasi:

“(2) Ukoliko je korisnik prava na penziju iz člana 3. i 4. ovoga zakona zasnovao radni odnos i penzija mu se za to vrijeme nije isplaćivala, sa danom prekida radnog odnosa izvršiti će se ponovni izračun na način što će se na iznos penzije prije zasnivanja radnog odnosa primijeniti sva povećanja koja su nastala za vrijeme kada penzija nije isplaćivana i u obzir će mu se uzeti i novoostvareni staž osiguranja u skladu sa ovim Zakonom.”

U stavu (4) iza riječi „člana 3.“ dodaje se tekst: „i člana 4.“

Obrazloženje

Važećom odredbom stava 2. člana 7. Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj: 41/13., 90/17. i 29/22.) definisano je:

(2) “ Ukoliko je korisnik prava na penziju iz člana 3. ovog zakona zasnovao radni odnos i penzija mu se za to vrijeme nije isplaćivala, kod ponovnog obračuna penzije u skladu sa ovim zakonom, u obzir će mu se uzeti i novoostvareni staž osiguranja.”

Sa navedenom odredbom korisnici prava na prijevremeno povoljnije penzionisanje iz člana 3. Zakona su stavljeni u povoljniji položaj u odnosu na korisnike iz člana 4. istog Zakona budući da u odredbama Zakona za korisnike prava iz člana 4., koji zasnuju radni odnos nakon penzionisanja osim imperativne norme obustave isplate penzije definisane u članu 8. istog zakona, nije predviđeno niti zakonskom odredbom definisano usklađivanje iznosa penzije na osnovu eventualnog novoostvarenog staža osiguranja kako je to slučaj sa korisnicima iz člana 3. zakona.

Sa ciljem uklanjanja navedene diskriminacije među korisnicima prava iz istog zakona predviđena je izmjena na način da se ista prava priznaju korisnicima iz člana 3. i člana 4. Zakona.

Umjesto dosadašnje odredbe iz stava 2., člana 7. Zakona, kojom se definiše da se u slučaju zasnivanja radnog odnosa korisnicima iz člana 3. za to vrijeme penzija ne isplaćuje ali se nakon prestanka radnog odnosa vrši preobračun penzije i u obzir se uzima i novoostvareni staž osiguranja, predloženim izmjenama se tačno definiše da se korisnicima, iz člana 3. i 4. Zakona, koji su zasnovali radni odnos nakon penzionisanja uslijed čega im je obustavljena isplata penzije, sa danom prekida radnog odnosa vrši ponovni izračun visine penzije na način što se na iznos penzije kojeg su korisnici imali prije zasnivanja radnog odnosa i čija isplata se uslijed zasnivanja radnog odnosa obustavila, primijeniti i sva povećanja penzije nastala za vrijeme u kojem se penzija nije isplaćivala korisnicima i u obračun penzije će se uzeti i novoostvareni staž osiguranja u skladu sa ovim Zakonom.

U stavu 4., člana 7. Zakona se u pravo ponovnog preobračuna porodične penzije u slučaju smrti korisnika iz člana 3. Zakona pored korisnika iz člana 3. u isto pravo uvode i nasljednici porodične penzije korisnika iz člana 4. ovoga Zakona.

Za provođenje ovoga amandmana nije potrebno predvidjeti dodatna finansijska sredstva budući da je u prijedlogu zakona o izmjenama zakona prijevremenom povoljnijem penzionisanju branilaca odbrambeno-oslobodilačkog rata-skraćeni postupak, predloženog od strane Vlade i resornog ministarstva u Vladi Federacije Bosne i Hercegovine već predviđeno brisanje postojećeg člana 8. zakona koji je svojom imperativnom normom onemogućavao korisnike po ovome zakonu da mogu istovremeno zasnovati radni odnos i primati penziju.

Predviđeni amandman se isključivo odnosi na korisnike koji su već u radnom odnosu uslijed čega im je izvršena obustava isplate penzije, a tavih korisnika je u odnosu na ukupan broj korisnika po ovome zakonu zanemarivo malo.

AMANDMAN 2.

U članu 16., stav (5) Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj: 41/13., 90/17. i 29/22.) briše se dio teksta iza riječi: „na uplatu“.

Obrazloženje

Briše se predviđena mogućnost kojom je Upravnom odboru Federalnog zavoda za penzijsko i invalidsko osiguranje ostavljena mogućnost da izvrši smanjenje isplatnog koeficijenta za penzije koje se ostvaruju po odredbama Zakona o prijevremenom povoljnijem penzionisanju.

Razlog za potrebom brisanja navedene odredbe je taj da je penzija stečeno pravo i ostavljanje mogućnosti Upravnom odboru Federalnog zavoda za penzijsko i invalidsko osiguranje da, po potrebi vrši korekciju i smanjenje iznosa isplatnog koeficijenta, predstavlja diskriminaciju i mogućnost ograničavanja ili umanjivanja stečenih prava samo nad jednom kategorijom korisnika prava iz oblasti PIO/MIO.

Odredbe ovoga stava su u praksi već viđene na način da su umanjivane penzije samo vojnim osiguranicima i to iz oba izvora sredstava (iz budžeta Federacije BiH i Fonda PIO).

S druge strane, slična materija (način obračuna) je regulisana u Zakonu o PIO/MIO tako da nema potrebe da se oštrije ili izdvojene mjere primjenjuju nad korisnicima prava po ovom Zakonu.